

Stomatološki fakultet sa klinikama Univerziteta u Sarajevu, Ulica Bolnička 4A, 71000 Sarajevo, ID: 4200542470007, kojeg zastupa Dekan Prof.dr.sci Muhamed Ajanović (u daljem tekstu: Naručilac usluga)

i

Verlab d.o.o. Sarajevo, Ferhadija 27, 71000 Sarajevo, ID: 4201943670005, kojeg zastupa direktor Almir Hadžević, (u daljem tekstu: Izvršilac usluga)

zaključili su dana ____ 2021. godine,

UGOVOR O NABAVCI USLUGA

I PREDMET UGOVORA

Član 1.

Ovim Ugovorom se utvrđuju međusobna prava i obaveze ugovornih strana u vezi nabavke usluga zakonske verifikacije i ispitivanja električne sigurnosti aparata za anesteziju, pacijent monitora, defibrilatora, pacijent monitora sa gasnim modulom, fiziodispanzera, termokautera, oksigenatora, pulsog oximetra, aparata za inhalacionu sedaciju i puls oximetra za potrebe Naručioca usluga, a sve u skladu sa ponudom broj: 02-2-1-48-70-12/20 od 05.01.2021. godine, koja je sastavni dio ovog Ugovora.

Ovaj Ugovor se zaključuje na godinu dana od dana obostranog potpisivanja.

Član 2.

Izvršilac usluga se obavezuje da izvrši zakonsku verifikaciju i ispitivanje električne sigurnosti aparata za anesteziju i ostale opreme iz člana 1. ovog Ugovora, a što uključuje:

1. ZAKONSKA VERIFIKACIJA MJERILA:

- Anesteziološki aparat
- Pacijent monitor
- Defibrilator
- Pacijent monitor sa gasnim modulom
- Pulsni oximetar
- Puls oximetar-pulsox-I

2. ISPITIVANJE ELEKTRIČNE SIGURNOSTI APARATA:

- Aparat za inhalacionu sedaciju
- Fiziodispanzer
- Termokauter
- Oksigenator

Član 3.

Pri verifikaciji mjerila i ispitivanju električne sigurnosti i izvještavanju o urađenim poslovima izvršilac usluga će se pridržavati „Pravilnika o mjeriteljskim i tehničkim zahtjevima (Sl.gl. BiH 75/14)“, koji je donio Institut za mjeriteljstvo Bosne i Hercegovine. Svaki pregled – verifikaciju mjerila treba najaviti **Naručiocu usluge**.

O svakoj obavljenoj verifikaciji mjerila treba sačiniti zapisnik (radni nalog) o urađenim radovima i ovjeriti ga.

Član 4.

Naručilac usluga se obavezuje da .

- zaposlenicima Izvršioca usluga omogućiti nesmetan pristup za navedene aktivnosti na provođenju zakonske verifikacije i ispitivanju električne sigurnosti;
- odgovorni zaposlenik Naručioca usluga provjeri ispravnost opreme nakon intervencije, da ovjeri radni nalog izdat od Izvršioca usluga zajedno sa odgovornim licem.

Član 5.

Naručilac usluga se obavezuje da će plaćanje izvršiti u roku 30 dana od dana ispostave fakture.

Ukupna vrijednost usluga zakonske verifikacije i ispitivanja električne sigurnosti iznosi **2.100,00** bez PDV-a (slovima: dvijehiljadestotinu KM i 00/100), prema ponudi br: 02-2-1-48-70-12/20 od 05.01.2021. godine.

Član 6.

Ukoliko Naručilac usluga ne izvrši svoju obavezu u vezi sa plaćanjem u predviđenom roku, Izvršilac usluge ima pravo da zaračuna zateznu kamatu.

Član 7.

Zakonska verifikacija mjerila i ispitivanje električne sigurnosti Izvršilac usluga će sprovesti sa maksimalnom pažnjom i odgovornošću.

Ukoliko se dokaže da je Izvršilac usluga na predmetnom uređaju načinio štetu odnosno da je pogoršao njegovu funkcionalnost i sigurnost, Izvršilac usluga garantuje nadoknadu pomenute štete na uređaju.

Na izvršene usluge garantni rok iznosi **1 (jedna) godina** od dana izvršenja.

Član 8.

Ovaj Ugovor može se raskinuti od strane bilo kojeg potpisnika Ugovora, pismenom obavijesti koja je poslana preporučenom poštom drugoj strani u slučaju:

- bilo kakvog kršenja odredbi ovog Ugovora (materijalne povrede odredaba Ugovora) od strane druge ugovorne strane,
- u drugim slučajevima iz Zakona o obligacionim odnosima.

Član 9.

Ovaj ugovor stupa na snagu danom njegovog potpisivanja, a njegovo zaključivanje se odnosi na posao utvrđen u članu 1. ovog Ugovora.

Član 10.

Sve eventualne sporove u vezi realizacije ovog ugovora ugovorne strane će rješavati sporazumno, a u protivnom je nadležan Sud u Sarajevu.

Član 11.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Izvršilac
Verlab d.o.o. Sarajevo

Direktor



Broj: 27/21

Sarajevo 29.01. 2021. god.

Naručilac usluga
Stomatološki fakultet sa klinikama
Univerzitet u Sarajevu
Dekan



Broj: 02-2-1-48-70-18/20

Sarajevo, 19.01.2021. godine